



**S** Maximus insigni eruditione & morum innocentia præditus fuit. Itaq; Christianos ad Rhenum existentes in uera fide confirmauit, atq; alios ad Christi regnum sua prædicatione pellexit. Vnde à Christianis circa Moguntiam existentibus Episcopus susceptus est. Id quod factū est sub Constantio & Constante Imperatoribus, anno Christi 345. cum Liberius Romanam Ecclesiam gubernaret. Eo autem tempore Arrianismus ubiq; inualeſcebat. Itaq; eos magno animo confutauit, atq; filium patri cōsubstantialē asseruit. Scripsit etiam aliquot Homelias, in quibus uerā de trinitate sententiam copiose exposuit. Cum hoc modo magna

sanctitate ijs in locis præſſet, atq; uerbo Dei homines pios pasceret, tandem mortuus extra ciuitatem in uico Galheim, ut etiā antecessores eius, instar uulgi sepultus fuit. Verū postea Hildebertus Archiepiscopus eos ad S. Albani templum transtulit, atq; honorificē sepeliuit. Anon.